

ԲԱԳՐԱՏՈՒՆԻ ՏՈՀՄԻ ԾԱԳՄԱՆԸ ԵՎ ԳՈՐԾԱՌՈՒՅԹՆԵՐԻՆ
ԱՌՆՉՎՈՂ ՄԻ ՔԱՆԻ ՀԱՐՑԵՐԻ ՇՈՒՐՁ

ՎՐԵԺ ՎԱՐԴԱՆՅԱՆ

Բագրատունիները Հայկական լեռնաշխարհի անդրաձին տոհմերից մեկն էին: Ավանդույթի համաձայն, նրանց նախնի Բագարատի անունն աղերսակցվում է Անգեղ աստծու անվան հետ: Բագարատի սերունդների ժառանգած Անգեղ տուն զավառը, համաձայն Անանուն մատենագրի հաղորդման, «կոչեցաւ Բագարատ և Անգեղ, զոր ի ժամանակին յայնմիկ ազգ բարբարոսացն աստուած կոչեցի»: Ըստ Անանունի՝ Բագարատը սերում է հայոց անվանադիր նախնի Հայկ նահապետից՝ իմա՝ ունի բնիկ ազգային արմատներ:

Հայտնի է, որ Բագարատ անունը ծագում է հնդեվրոպական Bagadata («աստվածատուր», «դից տուրք») բառերից, որի Bag արմատից են ծագել նաև բագին (մեհյան), Բագավան («աստծու ավան», «աստծու տեղ»), Բագարան («աստծու տեղ») և համարնույթ այլ բառեր: Բագարատ անձնանվան մեջ Bag արմատի առկայությունը, անշուշտ, վկայություն է նաև Բագրատունի տոհմանունի հնդեվրոպական ծագման մասին, ինչը բացառում է այդ տան սեմական (հրեական) ծագման վերաբերյալ առասպելը, որը տեղ է գտել Մովսես Խորենացու մոտ: Պատմա-հորը թեև ծանոթ է Հայկ նախահորից Բագրատունիների սերելու մասին ավանդազրույցը, բայց այդ տոհմին աստվածաշնչական ծագում վերագրելու մղումով նա հորդորում է չհավատալ ավանդությանը, գրելով, որ Բագրատունիների նախնին ոչ թե Բագարատն է, այլ հրեա Շամբատը: Վերջինիս հայոց Հրաչյա թագավորը բնակեցնում է Հայաստանում: Շամբատից «ասէ պատմագիրն լինել զազգն Բագրատունեաց, և հաւաստի է»²,– գրում է Խորենացին: Ընդ որում նա Բագարատ անունն առաջին անգամ հիշատակում է միայն հայոց թագավոր Վաղարշակ Պարթևի (Տրդատ I-ի) օրոք, բնավ չանդրադառնալով այդ անվան դիցական ծագմանը: Վաղարշակ Պարթևը, գրում է պատմագիրը, իր ձեռնարկած բարեկարգությունների ժամանակ բարիքների փոխարեն, որ իր հանդեպ ցուցաբերել էր «առն զօրաւորի իմաստնոյ, որ ի հրէիցն՝ Շամբատայ Բագարատ. տալով նմա իշխանութիւն ազգաւ թագադիր լինել Արշակունեաց. և որ ի նմանէ ծնեալ ազգ՝ լինել կոչմամբ յանուն նորա Բագրատունի...»³:

Ինչպես տեսնում ենք, պատմագիրը Շամբատին համարում է Բագրատունիների նախնի՝ հենվելով այն պատումի վրա, որը տեղ է գտել Մարաբաս Մծուրնա-

¹ Պատմություն Սեբեոսի (այսուհետև՝ Ս է բ է ո ս), աշխ. Գ. Արգարյանի, Երևան, 1979, էջ 51:

² Մովսիսի Խորենացու Պատմություն Հայոց (այսուհետև՝ Մ ո վ ս է ս Խ ո ռ է ն ա յ ց ի), աշխ. Մ. Աբեղեան և Մ. Յարությանեան, Տփղիս, 1913, I, ԲԲ, էջ 68–69:

³ Նույն տեղում, էջ 104–105:

ցու (Կատինայի) մատյանում, շարադրված «ոչ վաղ, քան մ. թ. IV դարը»⁴: Բագրատունիների հրեից ծագմանը Խորենացին անդրադարձել է նաև այլ առիթներով⁵: Մինչդեռ Անանունը Բագրատունիների ծագումն առնչակցում է հայոց աստվածությունների՝ Հայկի և Անգեղի հետ, անշուշտ, դարձյալ ելնելով այդ տոհմում պահպանվող ավանդություններից, որոնք ավելի հավաստի են, քան Մարաբասի մատյանում տեղ գտածը: Պաշտամունքի ոլորտը ժողովրդական հիշողության մեջ ավելի կենսունակ էր, և, անշուշտ, ուներ առավել նախնական լինելու առավելություններ: Անանունն օգտվել է ժողովրդական ավանդություններից⁶, որոնց մեջ առավել ստուգությամբ արտացոլք է գտել հայոց դիցական անցյալում Բագրատունիների մասին եղած ավանդապատումը, որտեղ դիցաբանությունը և կրոնը սերտորեն միահյուսված են: Դիցաբանությունը կրոն չէ, այլ անձնականացված հրաշագործ պատմություն⁷: Տորք աստծու մասին ավանդական պատումը, Անանունի կողմից Անգեղ և Բագարատ անունները միահյուսելը, հիրավի, դրա վկայությունն է:

Մի կարծիքի համաձայն՝ «Շամբատ Բագարատը»⁸ Մծբինից Տրդատի հետ Հայաստան եկած ադիաբենցի գորավարներից էր, որն իր հավատարմությամբ ու ռազմական կարողություններով արժանացել էր ոչ միայն Տրդատի, այլև Վաղարշի հաստուկ ուշադրությանը և, անկասկած, նրա այդ ընդունակությունները նկատի ունենալով, Մծբինում թագադրության արարողության ժամանակ նրան դարձրել էին թագադիր-թագակապ ասպետ: Տրդատը հայկական գահին տիրանալուց հետո այդ իրավունքը շնորհում է Շամբատ Բագարատին և այն դարձնում ժառանգական ...»: Ի լրումն դրա Վաղարշակը (Տրդատը) Բագարատին նշանակում է նաև «կուսակալ, բիրերի և հազարների իշխան», տալիս նրան բազում մեծաշնորհներ⁹: Ավելին, «Բագրատունիների շնորհիվ մ. թ. I դարի երկրորդ կեսին

⁴ Գ. Մ ա ռ գ ա յ ա ն. Հելլենիստական դարաշրջանի Հայաստանը և Մովսես Խորենացին, Երևան 1966, էջ 46: Շամբատ անունը չի հանդիպում հրեից լեզվում (տե՛ս Հ. Ա ճ ա ո յ ա ն. Հայոց անձնանունների բառարան, հ. Դ, Երևան, 1948, էջ 538): Փորձ է արվել այդ անունը նույնացնել հռոմեական դարաշրջանում հիշվող Մամբատին (կամ Սանբատին, Սարբատին) անձնական հետ, ի մտի առնելով նաև այն, որ, իբր, Խորենացու հիշատակած Շամբատը «նորադարձ» էր, ընդունել էր հրեաների կրոնը, ուներ հրեական անուն, և շրջապատը նրան հրեա էր համարում [տե՛ս Р. М а н а с е р я н. К вопросу о вероисповедании населения городов Армении (I в. до н. э. – IV в. н. э.). – ИФЖ, 1989, №2, с. 202]: Մեկ այլ կարծիքի համաձայն՝ Շամբատի մասին Խորենացու հաղորդումը պետք է վերագրել ոչ թե Բագրատունիներին, այլ Հայաստանի քաղաքների հրեա բնակչությանը (տե՛ս Գ. Մ ա ռ գ ա յ ա ն. նշվ. աշխ., էջ 75–76):

⁵ Տե՛ս Մ ո յ վ ո լ ո լ ո Ւ Մ ը ի Ն ա ճ ի, II, Գ, էջ 104–105, Է, էջ 110:

⁶ Н. А д о н ц. “Начальная история Армении” у Себеоса в ее отношениях к трудам Моисея Хоренского и Фауста Византийского. – Византийский временник, т. VIII, вып. 1–2. СПб., 1901, с. 96.

⁷ А. Л о с е в. Философия, мифология, культура. М., 1991, с. 134, 165–166.

⁸ Խորենացու «Շամբատայ Բագարատ» կապակցությունը նշանակում է «Շամբատից սերած»: Շամբատին պատմիչը հիշում է Նաբուգոդոնոսորի ժամանակ, մինչդեռ Բագարատը, ըստ նրա, ժամանակակից է Տրդատ I-ին:

⁹ Հ. Մ ե լ թ ն յ ա ն. Ադիաբենի պետությունը և Հայաստանը, Երևան, 1980, էջ 132–133: «Հայ ժողովրդի պատմության» ակադեմիական ութհատորյակում (հ. I, Երևան, 1971, էջ 747) կարդում ենք. «Մովսես Խորենացու մոտ հայտնի Շամբատ Բագարատը (Անանունի Բագարատ Փառազյանը) ժամանակակից էր Վաղարշ I-ին ու Տրդատ I-ին և, Ադիաբենի թագավորների հետևելով, ընդունել էր հրեական կրոնը (ավելի ճիշտ՝ նախնական քրիստոնեության ուսմունքներից մեկը): Բնչպես

քրիստոնեական վարդապետության առաջին ծիլերը բերվել են Հայաստան և, անկասկած, հետզհետե նրանց միջոցով էլ այստեղ կազմավորվել է քրիստոնեական համայնքներից մեկը»: Եվ քանի որ նոր կրոնը վտանգ էր ներկայացնում երկրի համար, ուստի Տրդատ I-ին հաջորդած հայոց թագավորը գլխատել է տալիս երկուսին¹⁰:

Սակայն ո՛չ հայ և ո՛չ էլ օտար աղբյուրները որևէ վկայություն չունեն այս մասին: Ըստ Մովսես Խորենացու, Արշակ Մեծը (Վաղարշ I-ը) եղբորը՝ Վաղարշակին թագավորեցնելով Հայաստանում, «քաղաք թագաւորութեան տայ նմա զՄծբին...»¹¹: Բայց հռոմայեցի ժամանակամերձ պատմագիր Տակիտոսի (մ. թ. I դ.) մոտ նման վկայություն չկա: Նրա հաղորդմամբ Տրդատը Վաղարշ I-ի (Վոլոգեսի) կողմից թագավորական խորհրդում հռչակվում է թագավոր¹²: Հասկանալի է, Տրդատ I-ը՝ որպէս հայոց թագավոր, գերադասելու էր մայրաքաղաք դարձնել ոչ թե Մծբինը, այլ Արտաշատը կամ Տիգրանակերտը, որոնց, ինչպէս հայտնի է, հռոմայեցիներն ուղղեցին իրենց գլխավոր հարվածները: Իհարկէ, չէր բացառվում պարթևներից կախյալ Ադիաբենեի կողմից Տրդատին գորամաս տրամադրելը¹³: Բայց դա բնավ չի նշանակում, թե վերջինիս մեջ էր նաև Բագարատը:

Հարկ է նաև նկատի առնել այն հանգամանքը, որ երբ մ. թ. 66 թ. Տրդատ I-ը մեկնեց Հռոմ՝ Ներոն կայսեր մոտ՝ վերջինիս կողմից թագադրվելու նպատակով, ըստ Դիոն Կասսիոսի, Տրդատին ուղեկցում էին «երեք հազար պարթևական, ինչպէս նաև մեծ թվով հռոմայեցի հեծյալներ»¹⁴: Ինչպէս տեսնում ենք, ուղեկիցների մեջ հայեր չեն հիշվում, ինչը, անշուշտ, վկայություն է վերջիններիս նկատմամբ Տրդատ I-ի անվստահության մասին: Ըստ Մովսես Խորենացու, Տրդատ I-ին հաջորդած հայոց թագավորը նույնիսկ պատժում է Բագարատի որդիներին՝ պարսից կրոնը չընդունելու պատճառով¹⁵:

Անանունի հաղորդումից պարզ է դառնում, որ երբ պարթևների թագավոր Արշակը (Վաղարշը) Արշակ Փոքրին (Տրդատ I-ին) ուղարկում է Հայաստան թագավորելու, Արամանյակի սերունդներից Բագարատ Փառազյանը գորքով դիմավորում է նրան Հայաստանում: «Յայնմ ժամանակի,– գրում է Անանունը,– թագաւորեցոյց Արշակ գորդի իւր զԱրշակ Փոքր»¹⁶ կոչեցեալ ի վերայ աշխարհիս Հայոց ի

երևում է, այս Բագարատը պարթևներին կողմնակից հայ մեծամեծներին ... էր գլխավորում և նրանց հետ միասին ապաստան էր գտել Մծբինում»: Այս կարծիքը հաստատելու համար որևէ ապացույց չի բերվում:

¹⁰ Հ. Մ է լ ք ո ն յ ա ն. նշվ. աշխ., էջ 134:

¹¹ Մ ո վ ու է ու Խ ո ռ է ն ա ց ի, I, Ը, էջ 28:

¹² СтéуКорнелий Тацит. Сочинения в двух томах, т. I. Л., 1970, с. 281.

¹³ Տակիտոսի վկայությամբ Վաղարշ I-ի հրամանով Մոնես գորապետը, հետն ունենալով ադիաբենցի գորամաս, շարժվում է Հայաստան՝ Տրդատին գորակցելու համար (տե՛ս նույն տեղում, էջ 280):

¹⁴ Стéу Դիոն Կասսիոս. Հռոմեական պատմություն.– «Հովսեպոս Փլավիոս և Դիոն Կասսիոս», թարգմ., առաջաբան և ծանոթագրութ. Ս. Կրկյաշարյանի, Երևան, 1976, էջ 203:

¹⁵ Մ ո վ ու է ու Խ ո ռ է ն ա ց ի, II, Թ, էջ 117:

¹⁶ Արշակ Փոքրը նույն Վաղարշակն է, որին Անանունը սխալմամբ համարում է Արշակ Մեծի որդի, մինչդեռ Խորենացին և Պրոկոպիոս Կեսարացին նրան գիտեն որպէս Արշակ Մեծի եղբայր (այս մասին տե՛ս Գ. Մ ա ր գ ո յ ա ն. Մովսես Խորենացու «Հայոց պատմության»

Մծբին քաղաքի... Եւ յուղարկէ զնա ի Մրծանայ ընդ յարևմուտս զաւրու մեծաւ եւթանասուն հազարաց սպառազինաց, և մեծամեծ իշխանաւք նախարարաց հազարաց բիրաւորաց, որում ոչ ոք կարէր զդեմ ունել պատերազմաւ: Մմա ընդ առաջ էլանէ Բագարատն Փառազեան յորդուցն Արամենակայ նախարար մեծ հանդերձ զաւրու... պսակէ զնա ի թագ հայրենի. և նստուցանէ զնա ի վերայ ոսկիապատ ականակոտ գահոյիցն...»¹⁷: Եթե Բագարատը Հայաստանում զորքով ընդառաջ է ելնում Տրդատ I-ին, ուրեմն նա ոչ թե Տրդատի հետ էր եկել (և այն էլ Ադիաբենից), այլ գտնվելիս է եղել իր հայրենիքում՝ Հայոց աշխարհում: Այս հաղորդմամբ Անանունը դարձյալ Բագարատին համարում է Հայկ նահապետի որդի Արամանյակի զավակ, դրանով իսկ հավաստում նրա տոհմի բնիկ լինելու իրողությունը:

Ըստ Անանունի՝ «որդիքն Բագարատայ ժառանգեցին զժառանգութիւնս իւրեանց ի կողմանս արևմտից, այս ինքն է Անգեղ տուն»¹⁸: Այս վկայությունից կարելի է հետևեցնել, որ Անգեղ տան իշխանությունը Բագրատունիների մի ճյուղի տոհմական ուստանն էր¹⁹: Անանունի հաղորդումն այն մասին, որ Անգղն «աստուած կոչեցին»²⁰, թույլ է տալիս կարծելու, որ Անգղը հին Հայաստանում եղել է պաշտամունքի կենտրոն: Եվ քանի որ այն գտնվում էր Բագրատունիների տիրույթ Անգեղ տուն զավատում, ուստի պետք է լինէր այդ տոհմի պաշտամունքային կենտրոնը: Ենթադրվում է, որ Անգղում թաղվել են Արտաշեսյան հայոց արքաները²¹, ինչը, սակայն, դժվար է ապացուցել: Գավառը Բագարատ և Անգեղ անվանելը նս վկայում է պաշտամունքի այդ կենտրոնի ու Բագրատունի տոհմի առնչակցության մասին: Ըստ երևույթին, Բագրատունիներն ունեցել են նաև քրմական գերակա իրավունքներ: Այսպես կարծելու համար հիմք կարող է ծառայել նաև Խորենացու մի վկայությունը, որի համաձայն Արտաշես թագավորի օրոք Բագրատունի Սմբատը սպանում է Հայաստանի քրմապետ Երվազին՝ Երվանդ վերջինի եղբորը, որից հետո Արտաշեսը «պարզեց Սմբատայ զժառայսն Երուազայ», իսկ Սմբատը «ի վերայ բազմացն կացուցանէ զընտանի Արտաշեսի, աշակերտ մոզի ուրումն երազահանի, որ յայն սակս և Մոզպաշտէ անուն կարդային»²²:

Այս վկայությամբ հավաստվում է, որ Սմբատ Բագրատունին ոչ միայն վերացնում է Երվանդունի քրմապետների իշխանությունը, այլև կարգում է նոր քրմապետ: Հասկանալի է, Բագրատունի իշխանը դա կարող էր անել ոչ միայն իր գիւնական իրավագործությամբ, այլև պաշտամունքի ոլորտում իր տոհմի ունեցած մեծ ազդեցությամբ: Այս տեսակետից ուշագրավ է Խորենացու մեկ այլ հաղորդու-

ժամանակագրական համակարգը, Երևան, 1965, էջ 127–128: Տե՛ս նաև Մ Ե Բ Ե Ն Ս, էջ 260–261, ծանոթագրութ. 66):

¹⁷ Մ Ե Բ Ե Ն Ս, էջ 53–54:

¹⁸ Մ Ե Բ Ե Ն Ս, էջ 51:

¹⁹ Н. А. Д о н ц. Армения в эпоху Юстиниана. СПб., 1908, с. 413.

²⁰ Մ Ե Բ Ե Ն Ս, էջ 51:

²¹ Գ. Մ ա ր ց ա յ ա ն. Հելլենիստական դարաշրջանի Հայաստանը և Մովսես Խորենացին, էջ 64:

²² Մ ն վ ա Ե ս Խ ր Ե ն ա ց ի, II, ԽԸ, էջ 175:

մը, որի համաձայն Մաժանը, որին սնուցանել էր Բագարատը²³, կամենում էր դառնալ «քրմապետ միանգամայն և սպարապետ արևմտից»²⁴: Հավանաբար, Մաժանը ևս սերում էր Բագրատունիներից և օժտված էր ոչ միայն պաշտամունքային, այլև ռազմական գործառույթներով: Հայտնի է, որ քրմապետներն իրենց տիրույթները պաշտպանելու համար զորքեր էին պահում, նրանց մեհյանները (Անին, Երիզան և այլն) հիշվում են և որպես բերդեր: Ընդամին, քրմապետները նաև զորապետեր էին²⁵: Բագրատունիների գերակայության ներքո նշված երկու գործառնությունների միատեղումը, անշուշտ, իր արտացոլումն է գտել նաև Տորք Անգեղի մասին ավանդության մեջ, որտեղ Տորքը հանդես է գալիս ռազմի գործառնությամբ, իսկ Անգեղը, ինչպես նշվեց, անձնավորում է պաշտամունքը: Տորք դիցանվան վաղագույն՝ խեթական Tarhu (սեռականում՝ Tarun) անվանաձևը պահպանվել է հայոց հեթանոսական պաշտամունքի հնագույն օրրան Տարոն (Տարան) գավառանվան մեջ: Տարոնում ևս պաշտում էին Տորքին²⁶: Մովսես Խորենացին Տորքին գիտե որպես «ի գաւակէ Պասքամայ, ի Հայկայ թոռնէ, տուրք անուն կոչեցեալ ... որին ձայնէին Անգեղեայ»: Վերջինիս Վաղարշակը «հաստատե կուսակալ արևմտից»²⁷: «Անգեղեայ» անվանը նշանակում է, որ Տուրքը համարվել է Անգեղից սերված կամ Անգեղի տուրք: Գրիչների մեղքով Տուրք-ի «և» տառը դուրս է ընկել, ուստի այն դարձել է Տորք²⁸: Խորենացու վերը բերված վկայության մեջ, անշուշտ, արտացոլված է նախնական ժամանակներում Հայաստանում Տորքի պաշտամունքի մասին եղած ավանդազրույցը: Փաստորեն, Տորքը հանդես է գալիս որպես դիցաբանական երկու անձերի՝ Տորքի և Անգղ աստծու մարմնավորում²⁹: Այն փաստը, որ Տորքը կարգվել է Հայաստանի արևմտյան կողմերի կուսակալ, և կոչվել է Անգեղ, թույլ է տալիս կարծելու, որ նրա մասին եղած առասպելներում արտացոլված է նաև Բագրատունի տոհմի անցյալը, քանի որ վերջինիս նախարար Շամբատը, ինչպես վերը նշվեց, Վաղարշակ թագավորի կողմից նշանակվում է Հայաստանի հենց այդ մասի կողմնակալ, իսկ Անգղն Անգեղ տուն գավառով հանդերձ, ըստ Անանունի, Բագարատի որդիների ժառանգական տիրույթն էր³⁰:

Տորքին Հայաստանի արևմտյան կողմերի կուսակալ նշանակելու վերաբերյալ Խորենացու վերը նշված հաղորդումը, անշուշտ, ավելի վաղ ժամանակներում, Հայասա պետական կազմավորման սահմաններում այդ աստծու պաշտամունքի

²³ Նույն տեղում, III, ԾԵ, էջ 185–186:

²⁴ Նույն տեղում, էջ 186:

²⁵ А. П е р и х а н я н. Храмовые объединения Малой Азии и Армении (IV в. до н. э.–III в. н. э.). М., 1959, с 78–80.

²⁶ Տե՛ս Մ. Հ ա ռ ը յ թ յ ն ի ն յ ա ն. Հայ առասպելաբանություն, Բեյրութ, 2000, էջ 96–97, 100–101:

²⁷ Մ ո վ ս ե տ Խ ո ռ ե ն ա ճ ի, II, Ը, էջ 114:

²⁸ Տե՛ս Մ. Մ բ ե դ յ ա ն. Հայ վիպական բանահյուսություն.– «Երկեր», հ. Ա, Երևան, 1966, էջ 56–59:

²⁹ Հմմտ. Э. П е т р о с я н. Боги и ритуалы древней Армении. Ереван, 2004, с. 94–95.

³⁰ Մ ե բ ե ն ս, էջ 31:

հեռավոր արձագանքն է: Հայասան խեթական պետության հարևանն էր: Տորքը համարվել է խեթական Տարկու աստծու հայկական տարրերակր³¹:

Խեթական Տարկու աստվածության մուտքը Հայկական լեռնաշխարհ, հավանաբար, կատարվել է այն ժամանակ, երբ հնդեվրոպական ժողովուրդներն արդեն բաժանվել էին միայնցից, և նրանց լեզուները վերածվել էին հնդեվրոպական լեզվի տարբեր բարբառների: Ընդամին, հայասերենը դասվում է խեթական լեզուների շարքը³²: Տարկու աստվածությունը հայերին է փոխանցվել լուվացիների միջոցով³³, որոնցից հայերը փոխառել են շատ բառեր³⁴: Տարկուն պաշտվում էր նաև հնդեվրոպական ուրիշ ժողովուրդների մոտ: Սկանդինավյան Տորը նման է Տորքին. քաջություններ է գործում, նա ուժեղ և միայնակ պատերազմող է, իշխում է ամպրոպին, քամիներին, անձրևին³⁵: Տարկուն ամպրոպածին, շանթաձիգ աստվածություն էր: Նույն հատկանիշներով էին օժտված նաև լուվացիների Tarhunts-ը, լիկիացիների Trq-ը, հայոց Տորքը, խուրա-ուրարտական Թեշուրը, նաև Թեշեբան³⁶: Թեշուրը պաշտվում էր վաղ հայկական պետական կազմավորում Շուրրիայում³⁷: Անշուշտ, նույն ամպրոպածին աստվածը տարբեր շրջաններում կարող էր կրել տարբեր անուն: Կիլիկիայի քրմական պետության կենտրոն Օլբայում պաշտվող Ջեսը նույնանուն էր խեթական Տարկուի հետ³⁸:

Հայասա կազմավորման մեջ ընդգրկված հնագույն հայկական Ազի երկիրը տարածվում էր Ճորոխ գետի ավազանում և հյուսիսում ձգվում էր մինչը Սև ծով³⁹: Տուրքի (Տորքի) միակ հայտնի սիրագործությունը տեղի է ունենում Սև ծովի ափին, Հայասայի տարածքում կամ նրան մերձակա վայրում⁴⁰: Հայասայի մեջ մտնում էր նաև Բարձր Հայքի Սպեր գավառը, որը Փավստոս Բուզանդը և Սերեոսը հիշատակում են որպես Բագրատունիների տոհմական տիրույթ⁴¹: Տորք Անգեղեայի պաշտամունքը Հայասական պետական կազմավորման հին պաշտամուն-

³¹ Տե՛ս ն. Ա. Դ. Կ. Կ. Ս. Տորք Աստուած հին Հայոց.– «Յուշարձան» գրական ժողովածու, Վիեննա, 1911, էջ 393, N. A d o n t z. Tarkou cher les anciens Arméniens.– REA, 1927, fasc. 1, p. 185–187; Գ. Կ. Կ. Կ. Կ. Chetto-armeniaca.я Эривань, 1931, с. 36, 45; Ա. Կ. Կ. Կ. Կ. «Տորք Անգեղեայ», հին մատենագրության և նոր բանասիրության մեջ.– «Տեղեկագիր ՀՄԽՀ գիտության և արվեստի», 1931, № 5, էջ 42 և հտ.:

³² Տե՛ս ն. Գ. Կ. Կ. Կ. Կ. Հայերենը և հնդեվրոպական հին լեզուները, Երևան, 1970, էջ 124:

³³ Գ. Կ. Կ. Կ. Կ. Хайаса–колыбель армян.– Историко-лингвистические работы, т. I, Ереван, 1956, с. 202.я

³⁴ Ի. Դ. Կ. Կ. Կ. Типы этнических передвижений в ранней древности.– Древний Восток, 4, Ереван, 1983, с. 21, прим. 23.я

³⁵ Ж. Կ. Կ. Կ. Верховные боги индоевропейцев. М., 1986, с. 139–140.я

³⁶ Ի. Դ. Կ. Կ. Կ. К вопросу о символе Халди.– Древний Восток, 4, с.192.я

³⁷ Ա. Կ. Կ. Կ. Կ. Վանի թագավորության պետական կրոնը, Երևան, 1990, էջ 43–44:

³⁸ Ա. Կ. Կ. Կ. Կ. Նշվ. աշխ., էջ 59:

³⁹ Տե՛ս ն. Վ. Կ. Կ. Կ. Հայաստանը մ. թ. ա. XV–VII դարերում, Երևան, 1998, էջ 35:

⁴⁰ Ա. Կ. Կ. Կ. Կ. Армянский эпос и мифология. Ереван, 2002, с. 33–34.

⁴¹ Փավստոսի Բուզանդացու Պատմութիւն Հայոց (այսուհետև՝ Փավստոս Բուզանդ), Ս. Պետերբուրգ, 1883, V, № 7, էջ 216, Ս է բ է ո ս, էջ 165: Սպերում հիշատակվող Սմբատական քաղաքը Բագրատունիների իշխանանիստն էր՝ կառուցված մ. թ. ա. II–I դարերում (տե՛ս Հայաստանի և հարակից շրջանների տեղանունների բառարան, 4, Երևան, 1998, էջ 635):

քի շարունակությունն էր⁴²: Ենթադրվում է, որ Երվանդունիների դամբարանատեղին Անգղում էր, և քանի որ նրանք իրենց սերած էին համարում Տորք աստծուց, որը նրանց պաշտպանն ու հովանավորն էր, նաև նույնական էր Բագրատունիների նախահոր հետ, ուստի վերջիններս, իբր, ծագել են Երվանդունիներից (Օրոնդյաններից)⁴³: Բայց Երուանդ դիցանունը ծագում է ոչ թե Տորքից, այլ հնդեվրոպական perua-perwa դիցանունից⁴⁴: Բագրատունի իշխան Սմբատը Երվանդ վերջինի սպանողներից մեկն էր և, ինչպես վերը նշվեց, սպանեց նաև նրա եղբորը՝ քրմապետ Երվազին: Եթե Սմբատ Բագրատունին, իրոք, Երվանդունի լիներ, հազիվ թե նման քայլի դիմեր: Նա չէր կարող նաև վայելել Արտաշեսի վստահությունը, որը, ինչպես Խորենացին է հավաստում, Երվանդի և նրա տոհմի անհաշտ ախոյանն էր⁴⁵:

Անշուշտ, Տորքին երկրպագել են նաև Բագրատունիների տիրույթներում: Նրա պաշտամունքը Անգեղ տուն գավառում, միահյուսվելով Անգեղ անունով բուն հայկական աստծու պաշտամունքին, կոչվել է Տորք Անգեղեայ⁴⁶: Տորք Անգեղեան մարմնավորում էր հայրենիքն օտարներից պաշտպանելու, թշնամիներին հաղթելու, մշակութային հերոսի, արարողի, արձաններ կերտողի գաղափարը⁴⁷, որը նվիրագործված է հայ ժողովրդական վեպում՝ «Մասնա ծռեր»-ում, ի դեմս նրա հերոսների⁴⁸: Մովսես Խորենացու մոտ նույնպես Բագրատունիներն օժտված են հայրենի երկիրը պաշտպանողների հատկանիշներով: Նրանք երկրի արևմտյան կողմերի կուսակալ-բղեշխներն էին, հետևաբար, կատարում էին Հայաստանը արևմտյան կողմերից պաշտպանելու պարտականությունը: Հայտնի է, որ քրիստոնեական կրոնը ժխտողական վերաբերմունք ուներ հեթանոսական հավատալիքների, դիցաբանության հանդեպ: Մակայն Խորենացին այլ վերաբերմունք ունի Տորքի նկատմամբ, քանի որ Անգեղը, որպես Բագրատունի տոհմի պաշտամունքային կենտրոն, իր նշանակությունը պահպանեց նաև քրիստոնեության ժամանակ⁴⁹՝ խորհրդանշելով հայրենի երկիրը ոսոխ ուժերից պաշտպանելու նվիրական գաղափարը: «Ասպետ» տիտղոսը, անշուշտ, վկայություն է ռազմի ղրորտում Բագրատունի տոհմի խաղացած ականավոր դերի: «Ասպետ» արտահայտությունը ծագումնաբանորեն աղերսվում է զինվորական գործառույթների հետ: Այն,

⁴² St' u C. T o u m a n o f f. Studies in Christian Caucasian History. Georgetown, 1963, p. 299-300, 319, 320:

⁴³ Նույն տեղում, էջ 300-306:

⁴⁴ Մ. Հ ա թ ը յ յ ն ի ն յ ա ն. նշվ. աշխ., էջ 104-105:

⁴⁵ St' u Մովսես Խորենացի, II, գլ. ԽԳ, ԽԶ, էջ 169-171:

⁴⁶ St' u Մ. Հ ա թ ը յ յ ն ի ն յ ա ն. նշվ. աշխ., էջ 101:

⁴⁷ Г. В а р д у м я н. Дохристианские культуры армян («Հայ ազգագրություն և բնահյուսություն», 18, Երևան, 1991, էջ 100-101): Խթական լեզվում tarh եզրն ունի «հաղթել» իմաստը (տե՛ս Կ. Գ ա մ կ ռ է լ ի ձ շ Ե, В. И в а н о в. Индоевропейский язык и индоевропейцы, т. II. Тбилиси, 1984, с. 794, 822).

⁴⁸ Մ. Ա թ է դ յ ա ն. նշվ. աշխ., էջ 61-62:

⁴⁹ Ն. Ա դ ն ն ց. Տորք Աստուած հին Հայոց, էջ 392:

ինչպես հայտնի է, կազմված է պահլավերենի *aspa* (« ձի») և *pat* («պետ», «տեր») բառերից⁵⁰:

Ըստ Անանուն պատմիչի՝ Արշակ Փոքրը (Տրդատ I -ը) հայոց թագավոր կարգվելուց և Բագարատի ձեռքով թագով պսակվելուց հետո վերջինիս նշանակում է «ասպետ Հայաստան երկրին, որ էր իշխան և հրամանատար, ամենայն թագաւորութեանն հրամանաց գլուխ, և հայր արքայի, և եղբայր. որում էտ իշխանութիւն տէրութեանն այնորիկ»⁵¹: Ըստ երևույթին, Բագարատը Տրդատի կողմից կարգվել է Հայաստանի իշխանապետ, որն օժտված էր նաև թագավորահոր իրավագործությամբ: Վերջինս, ինչպես հայտնի է, գերակա դիրք ուներ Արևելքում: Ուստի, հասկանալի է դառնում Անանունի՝ «ետ իշխանութիւն տէրութեանն այնորիկ» արտահայտությունը: Բագարատը ասպետ տիտղոսը կրում էր, անշուշտ, երկրի պաշտպանության բնագավառում ունեցած գործունեության շնորհիվ: Ուշագրավ է, որ, ըստ Ագաթանգեղոսի Պատմության հունական խմբագրության («Վարքի»), Տրդատ Մեծի օրոք Գրիգոր Լուսավորչի կողմից Սպեր գավառի եպիսկոպոս կարգված Ագապիոսի հետ էր նույն գավառի «իշխան սպարապետը»⁵²: Ընդ որում, «Վարք»-ի բնագրի «սպարապետ» բառը Ժ. Գարիսոն ուղղում է «ասպետի» (ΑΣΠΕΤΗΣ) ձևով⁵³: Գուցե բնագրի «սպարապետ» եզրը ավանդության ուժով պահպանվել է Ագաթանգեղոսի հնագույն ձեռագրերում, որից օգտվել է հունարեն խմբագրության կազմողը: Հարկ է նկատի առնել այն հանգամանքը, որ հայոց Արտաշեսյան թագավորների օրոք Բագարատունիները, իրոք, վարել են սպարապետի պաշտոնը: «Քարթլիս ցխովրեբայում» Արտաշես I-ի սպարապետ է հիշվում Սմբատ Բյուրատյանը, որը պարտության է մատնում վրացիներին ու օսերին, մարտնչում պարսիկների դեմ⁵⁴: Տիգրան Մեծի ժամանակ, Բագադատեսը, որ Ասորիքի ստրատեգն էր, երբ Լուկուլլոսը հարձակվեց Հայաստանի վրա, փութաց գորակից լինել Տիգրանին: Բայց Տրդատ Մեծի ժամանակ արդեն սպարապետներ են հիշվում Մամիկոնյանները⁵⁵: Ժ. Գարիսոն վերոնշյալ սրբագրումը կատարել է, հավանաբար, ելնելով այդ իրողությունից:

⁵⁰ Հ. ր. Ա ճ ա ո յ ա ն. Հայերեն արմատական բառարան, հ. Ա, Երևան, 1971, էջ 274: Ռ. Դյուրրիեն «ասպ» արմատից կազմված է համարում «ասպահապետ» («գորապետ», «սպարապետ») բառը՝ փոխառնված պահլավերենից (տե՛ս նույն տեղում, էջ 271): «Ասպետ» եզրը կազմված է համարվում նաև հայերեն «արս» («կողմ», «ծայրամաս») և «պետ» բառերից՝ ստանալով «արսպետ» ձևը: Ընդ որում, «աս» բաղադրիչի նախնական ձև է համարվում «արս»-ը (տե՛ս Ս. Պ ե տ ր ո ս յ ա ն. «Ասպետ» տիտղոսի և «ասպետություն» գործակալության նախնական բնույթի պարզաբանման փորձ.– ՀԽՍՀ ԳԱ «Լրաբեր հասարակական գիտությունների», 1983, № 4, էջ 82–84: Սակայն «աս» արմատը ծագում է հնդեվրոպական նախալեզվի *ag* «ասել» արմատից և հայերենում ունի «ասածը», «խոսք» իմաստը (տե՛ս Հ. ր. Ա ճ ա ո յ ա ն. նշվ. աշխ., էջ 265–266):

⁵¹ Ս ե բ ե ո ս, էջ 54:

⁵² G. G a r i t t e. Documents pour l'Etude du livre d'Agathange. Vaticano, 1946, p. 103.

⁵³ Տե՛ս նույն տեղում, էջ 164, 227–228, 429:

⁵⁴ Տե՛ս Լ. Մ ե լ ի ք ս ե թ - Բ ե կ. Վրաց աղբյուրները Հայաստանի և հայերի մասին, հ. Ա, Երևան, 1934, էջ 158–159:

⁵⁵ Հունարեն «Վարք»-ում ևս նշվում է, որ սպարապետությունը «պատկանում էր Մամիկոնյան տոհմին» (տե՛ս G. G a r i t t e. Նշվ. աշխ., էջ 103): Փավստոսը գրում է, որ Բագարատունիները «թագակապքն լեալ էին ի բնւէ ազգին թագաւորութեան Արշակունոյ» (տե՛ս Փ ա վ ս տ ո ս Ս Բ ո լ զ ա ն ղ, V, ԽՅ, էջ 216):

Ենթադրվում է, որ «ասպետ»-ը սոսկ Բագրատունիների ընտանեկան տիտղոսն էր՝ զուրկ պաշտոն արտահայտող բովանդակությունից, և որ իբր Բագրատունիների «Ասպետունի» տոհմանունն առաջինից ավելի նախնական էր⁵⁶: Բայց Անանունի հավաստմամբ Բագրատից սերված Բյուրատը «ծնաւ զԱսպատ»⁵⁷: Ըստ այդմ, Բագրատ անունն ավելի հին է, քան Ասպատը (Ասպետը): Հարկ է նշել նաև, որ Բագրատունիներն Արշակունի հայոց թագավորների ժամանակ շարունակել են կրել «ասպետ» տիտղոսը՝ շնորհիվ այդ շրջանում երկրի պաշտպանության ոլորտում իրենց խաղացած նշանավոր դերի: Այն փաստը, որ Գահնամակում Բագրատունյաց նախարարը նշված է երկրորդ տեղում (Սյունիքի իշխանից հետո) «Ասպետ» անվամբ⁵⁸, վկայում է երկրի ռազմաքաղաքական կյանքում նրա խաղացած կարևոր դերի մասին: Գահնամակի կազմողը, անշուշտ, Բագրատունուն «Ասպետ» կոչելով, նաև դա է նկատի ունեցել: Նշելի է, որ նույն փաստաթղթում որոշ նախարարներ վկայված են ոչ թե տոհմանվամբ, այլ ըստ իրենց վարած գործառույթների («Մաղխագունի», «Բասենոյ դատաւորն», «քաղաքապետն արքունի», «որսապետն արքունի»): Ազաթանգեղոսի Պատմության հունական խմբագրությունը Բագրատունի նախարարին Տրդատ I թագավորի օրոք հիշատակում է «ասպետության իշխան» ձևով⁵⁹: Ուխտանեսը, ելնելով Գահնամակից, դարձյալ հայ նախարարական գահակարգում նշում է «ասպետ Բագրատունի»⁶⁰:

Բագրատունիների «ասպետ» տիտղոսը պահպանվեց նաև հետագա դարերում: Ղազար Փարպեցին գրում է, որ 482 թ. Հայաստանում Վահան Մամիկոնյանի գլխավորությամբ հարուցված ազատագրական պատերազմի ժամանակ ապստամբների ստեղծած կառավարության գլուխ մարզպանի իրավագործությամբ կարգվեց «ասպետն Սահակ»: Վահանը հայոց զորքը ռազմի դաշտ է տանում «սքանչելի ասպետան Սահակաւ մարզպանաւ», իսկ կենտրոնի գորասյունը «տայր ի ձեռն լաւի առն Սահակայ մարզպանին ասպետի»: Վրաց ապստամբներին զորակցելու նպատակով Վրաստան մեկնած հայոց զորքի հետ էր նաև «զերանելին ասպետն Սահակ»: Մարտում զոհվածների մեջ պատմագիրը հիշում է նաև «սրբոյ ասպետին Սահակայ»⁶¹: Սերբեսը Հայաստանի մարզպան Վարազտիրոց Բագրատունուն (628–634)՝ Վրկանի մարզպան Մմբատ Բագրատունի Բագմահաղթի որդուն, հիշում է «ասպետ» տիտղոսով: Վարազտիրոցի որդի Մմբատը ևս կրում էր նույն տիտղոսը⁶²: Ըստ երևույթին, ոչ բոլոր Բագրատունիներն էին կրում այդ պատվատիտղոսը: Այսպես, Մմբատ Բագմահաղթին, որին պարսից արքա Խոսրով Փարվեզը հատուկ հրովարտակով «պատուով մեծացուցանէ ի վեր

⁵⁶ С. Т о u m a n o f f. Նշվ. աշխ., էջ 325:

⁵⁷ Մ ե բ է ո ս, էջ 51: «Ասպատ»-ն «ասպետ»-ի աղավաղված ձևն է (այդ մասին տե՛ս նույն տեղում, էջ 200, ծան. 34):

⁵⁸ Տե՛ս Н. А д о н ц. Армения в эпоху Юстиниана, с. 249.

⁵⁹ G. G a r i t t e. Նշվ. աշխ., էջ 72:

⁶⁰ Տե՛ս Ու խ տ ա ն է տ Ե պ ի ս կ ո ս ո ս. Պատմություն Հայոց, Վաղարշապատ, 1871, I, ԲԷ, էջ 40:

⁶¹ Տե՛ս Ղազարայ Փարպեցոյ Պատմութիւն Հայոց եւ Թուրք առ Վահան Մամիկոնեան, աշխ. Գ. Տէր-Մկրտչեան եւ Մտ. Մալխասեան, Տիֆլիս, 1904, էջ 122, 129, 134, 135, 141:

⁶² Տե՛ս Մ ե բ է ո ս, էջ 132, 143–144, 162–163:

քան զամենայն մարգպանս իւրոյ տերութեան առնելով...»⁶³, Սեբեոսը կամ Ուխտանեսը երբեք չեն հիշում «ասպետ» վերադիրով: Արարական տիրապետության ժամանակ՝ VIII դ. սկզբներին, հիշվում է հայոց Սմբատ «ասպետը», որը, անշուշտ, Բագրատունի էր⁶⁴:

Պրոկոպիոս Կեսարացին 536 թ. Բյուզանդիայի Հուստինիանոս I կայսեր դեմ հայերի ապստամբության ժամանակ հիշում է «մեծ և բազմամարդ Ասպետյանների տոհմը»⁶⁵, որը, հավանաբար, նույնական է Բագրատունիների հետ⁶⁶:

Բագրատունիները, Անանունի հավաստմամբ, վաղագույն ժամանակներից իշխել են Հայաստանի արևմտյան կողմերում⁶⁷: Այս հաղորդումը թույլ է տալիս կարծելու, որ նրանք վարել են կողմնակալ բղջիկների պաշտոնը: Բղջիկությունների ձևավորումը դրվում է Տիգրան Մեծի օրոք⁶⁸, բայց դրանք ստեղծված պետք է լինեին հայոց պետականության արշալույսին, նախաուրարտական ժամանակներում⁶⁹, թեև այդ մասին ուղղակի վկայություններ չկան: Ստույգ հայտնի չէ նաև, թե բղջիկությունները հարևան Պարսկաստանում երբ են սկզբնավորվել: Հայերեն «բղջիկ» բառը փոխառված է համարվում պահլավերենից⁷⁰: Գ. Ղափանցյանի

⁶³ Նույն տեղում, էջ 99:

⁶⁴ Տե՛ս Մ ը վ ա է տ Կ ա դ ա ն կ ա տ ու ա ց ի. Պատմություն Աղուանից աշխարհի, աշխ. Վ. Առաքելյանի, Երևան, 1983, III, ԺԸ, էջ 321, Կ ի ր ա կ ու Գ ա ն ձ ա կ ե ց ի. Պատմություն Հայոց, աշխ. Կ. Մելիք-Օհանջանյանի, Երևան, 1961, էջ 73:

⁶⁵ Տե՛ս Պ ը ը կ ո պ ի ո ս Կ ե ս ա ը ա ց ի. Թարգմ. բնագրից, առաջաբան և ծանոթագրությ. Հ. Բարթիկյանի, Երևան, 1967, էջ 81:

⁶⁶ Հմմտ. Յ. Մ ա ը կ ու ա ը տ. Հայ Բագրատունեաց ճիւղագրությունը, Վիեննա, 1913, էջ 3: Ասպետ անվամբ գորապետներ, ազնվականներ են հիշվում նաև XI-XII դդ. Բյուզանդիայում (տե՛ս Ա. Կ ա յ ձ ա ն. Армяне в составе господствующего класса Византийской империи в XI-XII вв. Ереван, 1975, с. 44-46):

⁶⁷ Մ ե բ ե ո ս, էջ 51:

⁶⁸ J. M a r q u a r t. Eranšahr nach der Geographie des ps Moses Xorenaci. Berlin, 1901, S. 172; Н. А д о н ц, Армения в эпоху Юстиниана, с. 283.

⁶⁹ Մ. Կ ը յ ա շ ա ը ը ը. Բղջիկությունների առաջացումը Հայաստանում.՝ ՊԲՀ, 1966, № 4, էջ 261: Բայց դժվար է համաձայնել հարգո հեղինակի այն կարծիքի հետ, որ Սոփես Խորենացին բղջիկությունների ծագումը դնում է Սկայորդու ժամանակներում (տե՛ս նույն տեղում, էջ 258): Անշուշտ, Սկայորդու օրոք կարող էին լինել բղջիկությունների գործառույթներ, բայց Խորենացու վկայությունը բղջիկությունների մասին վերաբերում է ավելի ուշ ժամանակներին: Պատմահայրը գրում է, որ Սկայորդին Արծրունիների նախնի համարված Սանասարին բնակեցնում է «յարևմտից հարավայն աշխարհիս մերոյ»: Սանասարի սերունդներից ոմանք «յետոյ ուրեմն մտերմութիւն վաստակոց առ թագաւորսն մեր ցուցեալ՝ զբղջիկութիւն կողմանցն արժանաւորեցան առնուլ» (Մ ը վ ա է տ Խ ո ը ե ն ա ց ի, I, ԻԳ, էջ 70-71): Պատմագիրը, ինչպես տեսնում ենք, նկատի ունի հետագայում հայոց թագավորների (հավանաբար, Արտաշիսյանների) ժամանակ կատարվածը: Ենթադրվում է, որ Տիգրան Մեծը Արծրունիներին շնորհել է Նոր Շիրականի բղջիկի տիրությունները (տե՛ս J. M a r q u a r t. նշվ. աշխ., էջ 176): Բայց այս մասին վկայություն չկա: Ի դեպ, Ղ. Ալիշանը Նոր Շիրականի (Նոշիրականի) բղջիկին նույնական է համարում Անգեղ տան իշխանի հետ (Ղ. Ա լ ի շ ա ն. Այրարատ, Վենետիկ, 1890, էջ 422): Ենթադրվում է նաև, որ հայոց ավանդական թագավոր Վաղարշակի օրոք էր, որ Հայաստանի սահմանակալ մեկ բյուրանոց գործերի պետերն ստացել են «Բղեշիկ» անվանումը (տե՛ս Բ. Հ ա ը ո թ յ ու ն յ ա ն. Մեծ Հայքի բղջիկությունների և բղջիկութեան հաստատութեան շուրջ.՝ Հանդես ամսօրյա, 2001, թիվ 1-12, էջ 161-162): Անշուշտ, Վաղարշակը հաստատել է իրենից առաջ հայ նախարարների ունեցած իրավունքներն ու գահակարգը:

⁷⁰ Տե՛ս շ ը. Ա ճ ա ը յ ա ն. նշվ. աշխ., էջ 434:

կարծիքով՝ այն տեղական «սոցիալ-քաղաքական տերմին է՝ ժառանգված Փոքր Ասիայի հին մշակույթից և խեթա-լուվական լեզուներից»⁷¹: Եթե, իրոք, այդպես է, «բղեշխ» բառը այդ լեզուներից կարող էին փոխառնել նաև Հայաստանի բնակիչները: Մակայն հնարավոր չէ դա ապացուցել՝ վստահելի տեղեկությունների բացակայության պատճառով: Ապիանոսի կողմից հիշատակված Բագադատեսը (Մագադատես. իմա՝ Բագարատը), որը Տիգրան Մեծի կողմից նշանակվեց Ասորիքի կառավարիչ և գորակցեց Տիգրանին՝ ընդդեմ Լուկուլլոսի⁷², չի հիշվում «բղեշխ» տիտղոսով: Բայց դա չի նշանակում, որ այդ ինստիտուտը տվյալ պատմաշրջանում գոյություն չի ունեցել («բղեշխ» բառը կարող էր նաև անձանոթ լինել Ապիանոսին):

Անշուշտ, բղեշխի իրավագործությամբ օժտվելու հանգամանքը էականորեն կարող էր մեծացնել Բագրատունիների ազդեցությունը հայոց արքունիքում: Ի լրումն դրա, այդ տոհմը, ինչպես նշել ենք, ուներ նաև պաշտամունքի ոլորտում գերակա ազդեցություն: Բագրատունի նախարարի թագավորահայր լինելու փաստը, անկասկած, նույնպես վկայում է արքունիքում այդ տոհմի ունեցած ազդեցության մասին:

Բագրատունիների՝ որպես Տրդատ I-ի թագադրի վերաբերյալ հնագույն հիշատակությունը, անշուշտ, Անանունի մոտ է⁷³: Մակայն դա չի նշանակում, թե հայոց արքունիքում թագադրի պաշտոնը մինչև այդ գոյություն չի ունեցել: 1964 թ. Սիսիան-Գորիս խճուղու մոտերքում, Իշխանասար լեռան լանջին գտնված ինը տողանի արամեական արձանագրությամբ հավաստվում է, որ Հայաստանում, իրոք, թագադրի պաշտոնը եղել է դեռևս Արտաշիսյանների օրոք: Ըստ այդ արձանագրության, Արտաշես I թագավորի պաշտոնյան՝ Նիկփառ անունով, որդին Ախշահրսարտի, կրել է «թագադիր» տիտղոսը⁷⁴: Մակայն հիմք չկա Նիկփառին Բագրատունի համարելու համար, թեև Ա. Փերիխանյանը գրում է, որ նշված արձանագրությամբ հաստատվում է «իր ժամանակ Ն. Ադոնցի կողմից արած ենթադրությունը՝ Բագրատունիների ատրպատականյան-մեդական ծագման վերաբերյալ (Ն. Ադոնցը հիմնականում առաջնորդվում էր նրանով, որ այդ տոհմի տիրություններն ընկած էին Մակու գավառում)⁷⁵: Մակայն Ն. Ադոնցը երբեք Բագրատունիներին «մեդական-ատրպատականյան» ծագում չի վերագրել: Նա միայն նշել է, որ «Բագրատունիների դինաստիան ծագել է Հայաստանի իրանական կամ ատրպատականյան ծայրամասում»⁷⁶: Ն. Ադոնցը Բագրատունիների նախնական

⁷¹ СтéуГ. К а п а н ц я н. О двух социально-политических терминах древнего Ближнего востока.– Историко-лингвистические работы, I, с. 468–469.

⁷² А п п и а н. Митридатовы войны. Сирийские дела.– Вестник древней истории, 1946, №4, с. 309.я

⁷³ Стéу U ե բ ե ո ս, էջ 54.я

⁷⁴ А. П е р и х а н я н. Арамейская надпись из Зангезура.– ИФЖ, 1965, №4, с. 108.

⁷⁵ Նույն տեղում, էջ 110: Հղվում է՝ Н. А д о н ц. Армения в эпоху Юстиниана, с. 307–308, 412–413. Հետազոտողը, ի հաստատումն իր ենթադրության, հնչյունաբանական աղերս է տեսնում նաև արամեական Նեկփառի և միջին մեդական Nefarr անվան միջև (А. П е р и х а н я н. Арамейская надпись из Зангезура, с. 110–111):

⁷⁶ Н. А д о н ц. Армения в эпоху Юстиниана, с. 308, 412.я

հայրենիք է համարում Բագրևանդ գավառը⁷⁷ (նրա այս կարծիքը վիճարկվել է, իհարկե, առանց բավարար ապացույցների)⁷⁸: Մեկ այլ հետազոտող գրում է. «Ախշահրսարտ–անտիկ շրջանում առ այսօր հայտնի առաջինը Բագրատունյաց տոհմից: Արտաշես Ա-ի օրոք (189–160 մ. թ. ա.) թագադիր ասպետ Նիկեփոս թագադիրի հայրը»⁷⁹: Սակայն այս անունները ծագումնաբանորեն հնարավոր չեն աղերսել Բագրատունիների հետ: Բացի այդ, նույն Արտաշեսի թոռան՝ Տիգրան Մեծի օրոք Բագրատունի տոհմի նահապետը, ինչպես տեսանք, Բագադատեսն էր, որը համարվել է Բագրատունիների նախնի⁸⁰:

Այսպիսով՝ Բագրատունիները Հայաստանի բնիկ, անդրաձին տոհմերից մեկն էին, որոնք պատմական հեռավոր ժամանակներից ի վեր նշանավոր դեր են խաղացել երկրի պետական, քաղաքական և պաշտամունքային ոլորտներում՝ նպաստելով հայ ժողովրդի պետական ու հոգևոր կենսունակության զորացմանը:

О НЕКОТОРЫХ ВОПРОСАХ, КАСАЮЩИХСЯ ВОЗНИКНОВЕНИЯ И ФУНКЦИЙ РОДА БАГРАТУНИЯ

ВРЕЖ ВАРДАНИЯ

Р е з ю м е я

я

Род Багратуни возник в Армянском нагорье, где и функционировал с древнейших времен. Видные представители рода проявили центростремительные тенденции и придерживались курса политики армянских царей–Арташисянов и Аршакуни. Они имели четко оформленные военные и религиозные функции. В родовых владениях Багратуни обожествляли Торка из Ангел (Англ). Культ этого божества являлся продолжением религиозных верований древнеармянского государственного образования–Хайаса–Аззи. Сообщение Мовсеса Хоренаци об иудейском происхождении Багратуни не подтверждаются фактическими материалами. При этом гипотеза об адиабенском происхождении Багратуни также не может быть обоснована из-за состояния письменных источников. Наследственный титул Багратуни “аспет” связан с военной функцией рода. Издревле носители этого титула царями Армении назначались правителями северо-западной части Армении и защищали ее от набегов враждебных сил. Религиозная функция Багратуни обусловила со стороны видных представителей рода право на коронацию царей армянских Аршакуни.я

⁷⁷ Տե՛ս նույն տեղում, էջ 307:

⁷⁸ Տե՛ս Ա. Ա. Շ ա հ ն ա զ ա թ յ ա ն. Բագրատունյաց նախարարական տոհմի ծագումը.– «Հայկական ՄՄՌ Պետական պատմական թանգարան, Աշխատություններ», 1948, -1, էջ 192:

⁷⁹ Ռ. Մ ա թ ն ո յ ա ն. Բագրատունիներ. պատմա-տոհմաբանակ հանրագիտարան Երևան, 1997, էջ 10:

⁸⁰ Н. А д о н ц. Армения в эпоху Юстиниана, с. 415. Ա. Ա. Շ ա հ ն ա զ ա թ յ ա ն. նշվ. հոդ., էջ 195: Բագրատտ անունը հնչունաբանորեն ծագած է համարվում Վանի թագավորության Ռուսա I արքայի օրոք (մ. թ. ա. 730–714) Մանա երկրի թագավոր Բագադատի անունից (տե՛ս Գ. Ղ ա փ ա ն ց յ ա ն. Ուրարտուի պատմությունը, Երևան, 1940, էջ 219):